

## Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով  
29.02.2020թ. կայացված ԱՖ261247 որոշումն անփոփոխ, իսկ վարչական բողոքն առանց  
բավարարման թողնելու մասին

<<21>> 04 2020թ. 7-13- 4632

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,  
վերանայելով Արտակ Քարիմյանի ՄԴ/18704-20 դիմումի քննարկման արդյունքում ստեղծված  
նյութերը՝

## Պ Ա Ր Զ Ե Ց Ի

Երևան քաղաքի Քանաքեռ-Զեյթուն համայնքի Զեյթուն 10-րդ փողոցի 1 շենքի 53/1  
բնակարանի բնակիչ Արտակ Քարիմյանը դիմումով խնդրել է բեկանել Ճանապարհային  
ոստիկանության վարչական իրավախախտման վերաբերյալ գործով 29.02.2020թ. կայացված  
ԱՖ261247 որոշումը՝ նշելով, որ համաձայն չէ որոշմամբ արձանագրված իրավախախտման հետ:  
Միաժամանակ էլեկտրոնային հաղորդագրության միջոցով խնդրել է դիմումը քննարկել առանց  
իր մասնակցության:

Դիմումի քննարկման արդյունքում պարզվել է, որ վարչական իրավախախտման  
վերաբերյալ գործով 29.02.2020թ. կայացված ԱՖ261247 որոշումը ենթակա է կատարման  
հետևյալ պատճառաբանությամբ.

<< կառավարության 28.06.2007թ. <<Հայաստանի Հանրապետության ճանապարհային  
երթևեկության կանոնները և տրանսպորտային միջոցների շահագործումն արգելող  
անսարքությունների ու պայմանների ցանկը հաստատելու մասին>> թիվ 955-Ն որոշման  
հորիզոնական գծանշումներ բաժնի 1.1-ի համաձայն՝ <<Հոծ գիծ, որը բաժանում է հանդիպակաց  
ուղղությունների տրանսպորտային հոսքերը (առանցքային գիծ), նշում ճանապարհի  
վտանգավոր վայրերում երթևեկության գոտիների սահմանները և ցույց տալիս երթևեկելի մասի  
սահմանները, ուր մուտքն արգելված է, ցույց է տալիս տրանսպորտային միջոցների կայանման  
տեղերի սահմանները>>: 1.3՝ չորս և ավելի երթևեկության գոտի ունեցող ճանապարհներին  
բաժանում է հանդիպակաց ուղղությունների տրանսպորտային հոսքերը (առանցքային գծեր):

Վարչական իրավախախտումների վերաբերյալ << օրենսգրքի 124-րդ հոդվածի 2-րդ մասի  
համաձայն՝ տրանսպորտային միջոցների երթևեկության հակադիր հոսքերն իրարից բաժանող  
գծանշումների պահանջները չկատարելը առաջացնում է տուգանքի նշանակում՝ սահմանված  
նվազագույն աշխատավարձի տասնապատիկի չափով:

Ուսումնասիրությամբ պարզվել է, որ 29.02.2020թ. ժամը 13:36-ի սահմաններում Երևան  
քաղաքի Կ.Ուլենցի փողոցում քաղաքացի Արտակ Քարիմյանի վարած <<MERCEDES-BENZ>>  
մակնիշի 35SD649 հաշվառման համարանիշի ավտոմոբիլը կանգնեցվել է Ճանապարհային  
ոստիկանության ՃՊԾ 1-ին սպայական գումարտակի 2-րդ սպայական դասակի տեսուչներ,  
ոստիկանության ավագ լեյտենանտ Տիգրան Մարգարյանի և ոստիկանության լեյտենանտ  
Ա.Ասիրյանի կողմից՝ ճանապարհային երթևեկության կանոնի խախտման համար, այն է՝  
վարորդը հատել է հանդիպակաց (հակադիր) հոսքերն իրարից բաժանող գծանշումը: Վարորդի  
նկատմամբ կազմվել է վարչական իրավախախտման վերաբերյալ արձանագրություն և  
Վարչական իրավախախտումների վերաբերյալ << օրենսգրքի 124-րդ հոդվածի 2-րդ մասի  
համաձայն կայացվել է ԱՖ261247 որոշումը:

Միաժամանակ ռստիկանության ծառայողները ներկայացրել են իրավախախտումն արձանագրած տեսանյութը և հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 29.02.2020թ. կայացված ԱՖ261247 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Արտակ Քարիմյանին և Ճանապարհային ոստիկանության ՃՊԾ 1-ին սպայական գումարտակ:

Կատարող Ա.Եղիազարյան  
Հեռ.՝ 011-544-978



Ե. Կարապետյան